

*B. Nitraria sibirica* (Tab. L. litt. A.) radice lignosa supra terram tuber crassitie saepe capitis exhibet, verrucoso-venosum, e quo *furculi* prostrati, imo terrae adpressi, viginti et ultra, cubitales, ramis elegantissime pinnati, per orbem sparguntur. *Surculi* tenuiores, quam in Caspica, magis elongati, rectiusculi, gryseo albidii, ramis alternis, patentissimis, terrae itidem acclinibus, e quibus eriguntur *ramuli* sursum secundi, in antiquioribus plerumque spinescentes, et tantum foliati, in junioribus ramis saepius apice in cymas floriferas dichotomi. *Folia* multo minor, quam in Caspica, forma simillima, magisve succulenta et salsa. *Cymae* florum minores, confertiores, magisque pilosae. *Flos* omnibus partibus minor, sed calyce evidentiore (Litt. D. 2. 3.). *Fructus* inchoatus (Litt. D. 1.) ut in altera varietate. Sed *Drupa* matura (Litt. E. 1.) multo minor, succo coerulecente nigro chartas inficiens, et *nux* minime conico-acuminata, sed ovata (Litt. E. 2.), subtrigona (quod non in *N. caspica*), apice tamen itidem sex fulcis per paria approximatis arata, foveolisque exiguis, saepe vix conspicuis impressa. Quae tamen differentiae omnes pro stabilienda specie mihi non videntur sufficere.

Hanc *Stellerus* et *Gmelinus* praesertim observarunt. In pinguibus, maxime salis ad Lacum Korakoffkoi Sibiriae, observavi vere frutices multo robustiores, furculis varietati caspicae fere pares, *foliis* latioribus, quinatis in singula gemma, modo integris, modo varie incisis (Litt. C. 1. 2. 3. 4.), sed nescio an florescentia differant.

Tabulae L. figuras in descriptione explicavi.

